

2 Timothy

Saint Paul, Timothy ts'ą' Neech'adaqantł'oo

1 ¹Jii t'ee Paul vats'an,
Vit'eegwijyahchy'aa doo'ya' shoonyaa eenjit Christ
Jesus veenjit Tr'ihil'e' (Apostle) ihlii, Christ Jesus vik'iighai'
ąjį gwandaii ndaanaą'ąjį' kwaa geenakhwaagwahaldak eenjit
Vit'eegwijyahchy'aa nakhwats'ą' shihil'e'.

²Timothy, K'eegwaadhat zhit shidinji' inlii, łyaa neet'iihthan:
Vit'eegwijyahchy'aa Gwiti' chan ts'ą' Christ Jesus
Diik'eegwaadhat haa ch'eegoonzhrij, neeshraahchy'aa niindhan
chan ts'ą' tsinehdan haa naa ooli'.

Nigwik'iinjigwiighit Eenjit Vit'eegwijyahchy'aa Mahsi' Vaihnyaa ąjį Gwinzii K'ąąhtii

³Vit'eegwijyahchy'aa mahsi' vaihnyaa, shigwitr'it gwiizųų
gweheelyaa gwits'i' gwizhrįh ninjich'ihthat ts'ą' vaa nihtthat, ąjįt'ee
yeenii vats'an dihtthaa naįį gook'it. Tųų, drin haa khadigihjii
gwizhit nanaldaii ąjį geenjit mahsi' vaihnyaa. ⁴Timothy nihlee
shahoozhii ąjį, intree ganaldaii ts'ą' łyaa noo'ya' noihnyaa,
izhit ji' łyaa shizhit shoh hee'aa. ⁵Gwik'iinjiighit li'didlii ni'įį
nanaldaii, nitsųh Lois chan ts'ą' neek'aii Eunice gwik'iinjigiighit
gii'įį chy'aa gwik'it. ąjįts'ą' nan chan jyaa diinchy'aa gaashandaii.
⁶Vit'eegwijyahchy'aa vigwitr'it t'agwahah'yaa geenjit nakat naaljik
ąjį' nantł'eegwiin'ąjį ąjį kwaii gweedhaa datthak vaa tr'agwah'in.
⁷Vit'eegwijyahchy'aa Ch'ankey'aa Shroodiinyaa diits'an iltsąjį

t'ee vaa dinjii akwat k'eegwiichy'aa datthak vaa garaanjat kwaa geenjit. Gaa Ch'ankey'aa Shroodiinyaꝯ aꝯ t'aih, ch'eet'igwiniindhan, deegwii'in akwat deegwiindhan gwizhit datthak idik'eerahaantya eenjit diits'an yiłtsaꝯ.

⁸ Aꝯts'a' t'ee, dinjii naꝯ Diik'eegwaadhat eegoovaagwahandak eenjit oozhii oinli' shro'! Shꝯ chan sheenjit oozhii oinli' shro', K'eegwaadhat veenjit zheegwaazhraꝯ dhiidii. Gaa Gwandak Nizꝯ eenjit khaiinjich'inighit datthak zhyꝯ gwaꝯh'in, Vit'eegwijyaꝯchy'aa izhit geenjit t'aih nats'an aꝯiꝯ t'oonchy'aa. ⁹ Neeidiinahshii ts'a' gwandaii shroodiinyaꝯ eenjit diinoozhrii, diigwitr'it akwat deegwee'ya' eenjit nakwaa gaa diits'a' ch'eegoonzhriꝯ agwaahchy'a' niindhan geh'an. Ye'eenaa tr'ookit daꝯ gwats'a' hee gwats'an, gwanaa jii ch'eegoonzhriꝯ, t'ee Christ Jesus vik'iighai' diinant'leeyin'aꝯ. ¹⁰ Gaa juk aꝯ Christ Jesus oodaa nankat gwats'a' haazhii neediinahshii gwandaii ndaanaꝯ'aꝯ kwaa diits'a' gwigweelkꝯ. Adan t'ee ch'ichi' gaiiyi'iłtsaꝯ ts'a' Gwandak Nizꝯ zhit khit gwarandaii diits'an iłtsaꝯ aꝯ diits'a' gwigweelkꝯ.

¹¹ Vit'eegwijyaꝯchy'aa viginjik eegiikhkii chan ts'a' Tr'ihii'e' (Apostle) haa hihꝯyaa ts'a' Gwandak Nizꝯ eech'oohaꝯchyaa eenjit gwitee tr'ashaꝯchyꝯ. ¹² Izhit geh'an t'ee khaiinjich'ashadhat. Gaa Jesus veenjit oozhii ihkii kwaa, juu vik'injihkhith gaashandaii ts'a' aꝯ gwꝯhdaii gwizhit veenjit gwitr'it t'agwaꝯ'ya' vant'leegwii'aꝯ aꝯ kwaii Izhit Drin ji' sheenjit khagwahaazhyaa gaashandaii geh'an. ¹³ Zhit ginjik hi'didlii ganagoo'ee kwaii gwanta', ts'a' Christ Jesus zhit ch'eet'igwiniindhan chan ts'a' gwik'iinjigwiighit haa khith eenjit geech'qaꝯhtan. ¹⁴ Zhit hi'didlii akwat jidii nant'leegwirinlii kwaii vik'eehaꝯtyaa eenjit goodhinjik aꝯt'ee Ch'ankey'aa Shroodiinyaꝯ vat'aai k'iighai' diizhit gwandaii!

¹⁵ Asia nahkat gwizhit juu dinjii shaa neehiidal naꝯ khaiinjii datthak akhashagoonyaꝯ gaanandaii, dinjii neekwaii Phygelus ts'a' Hermogenes aꝯ naꝯ chan akhashagoonyaꝯ.

¹⁶ Jii dinjii Onesiphorus vizheh k'aꝯ naꝯ K'eegwaadhat gooveenjit neeshraahchy'aa oinya', gwinleꝯ shizhit shoo nigiin'aꝯ geh'an. Zheegwaazhraꝯ dhiidii eenjit sheenjit oozhii nilii kwaa. ¹⁷ Gaa nijin Rome kwaiik'it gwachoo k'ihdik googwahkhan shagwahah'aa gwats'a' datthak shankantii. ¹⁸ Ephesus kwaiik'it gwachoo gwizhit deegwiłsu' sheenjit t'iizhik vaanandaii. Ch'aroahkat Drin zhit ji' K'eegwaadhat neeshraahchy'aa yuuheenjyaa.

Li'didlii Haa Gwik'injiinghit

2 ¹Nan chan shidinji' k'it t'anoihnyaa, ch'eegoonzhrii zhit t'aih ni'i'i ajiit'ee diinantl'eeriin'aji, nijin Christ Jesus vaa t'oonchy'aa daji'. ²Dinjii leji andah jidii geech'qaqahchya' kwaii datthak shijitth'ak t'ee ch'izhii dinjii geech'qaqahchya haanandaii naji gwinzii goqahtan.

Niveet'ah'in Nizii K'eegwaadhat Eenjit Niveet'ah'in

³Christ viniveet'ah'in nizii inlii k'it t'ini'in, ts'a' shik'injinghit geh'an dinjii naji khaiinjich'anagathat daji' zhyaa gwaah'in. ⁴Niveet'ah'in aji nih'iriighan dhidii ts'a' yats'a' k'eedeegwaadhat aji shoo ołtsyaa gwizhrii niindhan, ajiits'a' t'ee dizheh gwich'ji kwaa akwat geeghah gwitr'it gwii'ji kwaa.

K'eegwaadhat Eenjit Aagal

⁵Ajiits'a' chan, izhit gwik'it dinjii nih'eegalrahaajyaa gwitee aagal nilii, aagal daji' aji deegwehee'yaa goo'aii gwinyaa gwik'it t'ii'in kwaa duuyeh crown tseh* gaiiyiidaatsii.

K'eegwaadhat Eenjit Gwanzhii Naahshii

⁶Dinjii gwaahshii gwiit'oo dagwanzhii dehk'it eenjit gwitr'it t'agwah'ya' t'ee adan tr'ookit gwanzhii ooheendal goo'aii. ⁷Jii gwandak eenaagwaldak gininjich'ahthat, K'eegwaadhat jidii datthak eenjit ganahandaii nahahtsyaa geenjit.

⁸Khit Jesus Christ vanandaii, diineenjit niindhat ajiit'ee khakee'aji, yeenii dalak David ts'an deedhaa, Gwandak Nizii zhit jyaa digwinyaa aji eech'oahtan. ⁹Gwandak Nizii eech'oohtan geh'an tee khaiinjich'ishighit, dinjii iizuq ih'ii k'it ch'iitsii t'ya' shakat digi'chaa. Gaa Vit'eegwijyahchya'aa viginjik aji ch'iitsii t'ya' haa dakhwachaa kwaa t'inchy'aa. ¹⁰Juu Vit'eegwijyahchya'aa gwitee tr'agoovinlii naji eh'an khaiinjich'iighit geenjit jidii datthak nihk'it t'ishi'in, geedan chan Christ Jesus k'iighai' neegooahshii gooheendal eenjit ajiits'a' yeendaa datthak vich'eegwahndit zhit gwigweheendaii. ¹¹Jii t'ee t'ya' t'igwinyaa.

* 2.5 Crown—Aji tseh t'ee gal haa iltsaji.

- “Vaa niriindhat ji',
 Vaa gwireheendaii gwizhr̄ih goo'aii.
 12 Veenjit khaiinjich'iriighit gaa nihk'it akhagaroonyāa kwaa ji',
 vaa khaihkwaii tr'iheelyaa.
 Vaagwiindaii kwaa gwinyaā ji',
 adan chan diihaandaii kwaa heenjyaa.
 13 Gwik'iinjireheeghit kwaa ji' gaa
 nihk'it Vit'eegwijyahchy'aa deeshi'yaa nyāa chy'aa gwik'it
 t'iheelyaa,
 ideenjit oots'it kwaa t'inchy'aa.”

Dinjii Gwitr'it T'agwah'in Āii
Vit'eegwijyahchy'aa Gwinzii Yeeginkhii

14 Ginkhii, juu nitr'igiinkhii zehh nineedal nāii jii kwaii datthak eenjit khit gineegovahdaii, Vit'eegwijyahchy'aa vandah deegwinyaā t'igwinyaā geenjit nihzheedōo'ee shr̄o' goovaiinyaā. Jyaa digwinyaā dāi' gwinzii gwarahtsii kwaa ts'a' zhit juu ch'oōk'īi nāii teegiheedaa t'oonchy'aa. 15 Łyaa nat'aii datthak haa Vit'eegwijyahchy'aa vik'eegwahthat ji' jyaa nahaanjyaa, “Łyaa gwinzii t'inizhik.” Jyahts'a' t'ee gwinzii nigwitr'it gweheelyaa ts'a' ga'oozhii hah̄lyaa kwaa. Gwinzii Vit'eegwijyahchy'aa Viginjik hi'didlii eech'oāahtan. 16 Vit'eegwijyahchy'aa vats'an t'inchy'aa kwaa kwaii eegoohkhyaa shr̄o' akwat zhyaa geenjit gwakwaa chan veegohkhyaa shr̄o'! Āii kwaii t'ee dinjii nāii Vit'eegwijyahchy'aa ts'i' teehilii. 17 Jyahts'a' geech'agoahtan dāi' diitthaj' kat hit a'aa k'it t'oonchy'aa. Āii t'ee dinjii neekwaii Hymenaeus chan ts'a' Philetus haa jyahts'a' geech'agoahtan. 18 Vit'eegwijyahchy'aa Viginjik hi'didlii āii k'eegogwahthat kwaa, ts'a' gwik'injiighit niindhat nāii khakigaazhii āii chan jyaa dineegweheenjyaa kwaa ginyaā ts'a' gwik'iinjiiighit nāii gwigwiitth'ak dāi' goolat nāii gwintsal gwik'iinjiiighit kwaa giłtsāii. 19 Jidii Vit'eegwijyahchy'aa diineenjit gwiltsāii duuyeh dits'i' neegoonjii. Āiits'a' jii kwaii vakat danahoot'oo: “K'eegwaadhat juu nāii yaaniilzhii gaandaii. Ts'a' juu K'eegwaadhat vaanihthat nyāa chan digwitr'it gwiiz̄u datthak akhagoohenjyaa gwizhr̄ih goo'aii.”

20 Jii k'it t'oonchy'aa, zehh gwachoo gwizhit k'ik, tyah haa nih̄ehts'i' daazhyaa gwanlii. Valat kwaii Silver akwat Gold haa iltsāii, valak kwaii chan trāa ts'a' ł̄uhch'ant'ak (clay) haa iltsāii.

Valat kwaii drin gwhiteegwaañchy'aa vit'eegwaahchy'aa ts'á' gold ts'á' silver kwaii geetee gwizhrìh vit'eegwaahchy'aa. ²¹ Izhit gwik'it, juu tr'agwaanduu gwitr'it t'agwah'in gwits'ì' adak'aantii ji' adan chan geetee hee gwitr'it gwinzii eenjit vit'eegwahahchy'aa, gwiizüü t'ii'in akhagoonyaa ji' gwizhrìh K'eegwaadhat gwitr'it gwinzii datthak eenjit yit'eehaahchy'aa.

²² K'eejit nañi tr'agwaanduu t'agoq'ya' nohthan aji gwik'it nakhwagwitr'it gooli' shrò', gaa khit Vit'eegwijyahchy'aa vaa gwinzii ohdaa, gwik'iinjuhkhìt, nakhwashroonchy'aa, tsinehdan ohii. Aji juu hi'didlii ts'á' shroodiinyaa haa K'eegwaadhat haagoondaii giindhan nañi haa gwik'it t'akhwa'in. ²³ Tr'agohjik ky'aa nih'aa gohkhyaa shrò', aji ji' t'ee nihzheedagahaa'ee gaanandaii. ²⁴ K'eegwaadhat vitsyaa ch'izheedagahaa'aa kwaa goo'aii. Juu nañi datthak ts'á' giheezyaa goo'aii, gwik'igahaandal gwats'á' datthak gwinzii geegoovohtan, ²⁵ ts'á' ch'eeshroonchy'aa haa juu nats'aji nadhat nañi gaa goahtan. Aji nañi Vit'eegwijyahchy'aa vik'iighai' datr'agogwaanduu akhagagoohenjyaa ts'á' jii geenjit viginjik hi'didlii t'inchy'aa gwik'igahaandal. ²⁶ Aji nañi Ch'an'ky'aa Tr'aanduu deegavoh'ya' gavoonyaa datthak gwik'it t'igii'in gaa vigyah zhit gaa tr'ineegii'al daì' t'ee gwinzii ninjich'agadhat neegiilik.

Khaiinkqo Drin

3 ¹ Jii ganoondaii! Khaiinkqo Drin zhit ji' gwagwantrii gwarahaah'yaa t'oonchy'aa. ² Izhit nagwaanaji ji', dinjii nañi geedan zhrih idininjich'agahaadhat, laraa zhrih chan eet'igeheenghyaa, geedan zhrih gwinzii ideegigiheekhyaa, khaiinjigihìl'ee chan giheelyaa. Dinjii ts'á' Vit'eegwijyahchy'aa haa gwiizüü eegigeheekhyaa, digiiyehghan nañi k'eegogwahthat kwaa, duuyeh chan mahsi' giindhan, K'eegwaadhat chan k'injigiheeghit kwaa, ³ duuyeh dinjii eeshroonchy'aa, duuyeh chan neeshraahchy'aa giindhan, ch'izhii nañi gwiizüü eegigeheekhyaa, idik'eegaantii kwaa ts'á' jidii datthak zhit tr'ihkhìt t'igii'in, chan gootr'eegwahgaji, nijin gwinzii daì' chan gitr'igehee'ee, ⁴ dinjii chan gwint'eegahchik giheelyaa, niinjich'agadhat kwaa ts'á' zhyaa k'iil'an googwitr'it gwanlii, tr'ihkhìt khaiinjigihìl'ee, shroonchy'aa aji Vit'eegwijyahchy'aa andaa ts'á' gwigwihìl'ee giheelyaa. ⁵ Gwik'injigiighit adagaa'ii gaa Vit'eegwijyahchy'aa vat'aii haa goodrii zhit ch'ijuk t'igwinjii kwaa. Jii nañi goots'ì' adak'qontii.

⁶Goolat nąjį juu tr'injaa gwik'injiighit dhidlit nąjį zheh nideegiinjil ts'ą' goots'ą' k'eedeegwaadhat, googwitr'it gwiizųų gwiinli' ts'ą' gooyinji' t'aih kwaa geh'an khit tr'agwaanduu ninjich'agadhat ts'ą' tr'agwaanduu nihlehts'i' datthak t'asho'ya' giindhan. ⁷Jii tr'injaa nąjį khit gogoogwaha'ee gwik'eegogwandaii gaa Vit'eegwijyahchy'aa vihi'deegwidlii ąjį agoogwaa'e' kwaa. ⁸Deenaadaį' gwanaa izhit gwik'it dinjii neekwaii Jannes, Jambres haa Moses ts'i' t'iginchy'aa. ąjįts'ą' jii oots'it haa geech'ąąąhtan nąjį chan gwik'it Łi'didlii ts'i' t'iginchy'aa, gooyinji' iizųų ts'ą' diigwik'iinjikhit akhagoonyąą. ⁹Gaa ąjį nąjį duuyeh niighyuk gąhdal, juu nąjį datthak gwint'oo tr'igwigwinjik goohaah'yaa geh'an, Jannes chan ts'ą' Jambres haa deegiizhik gwik'it.

Jii Kwaii Jyaa Dini'in

¹⁰Gaa Timothy nan ąjį gwįhdaii gwizhit deeshi'ya' chan ts'ą' deeshi'in gwik'eegwįhdaii ts'ą' geech'ąąąłchya'. ąjįts'ą' dinjii nąjį eenjit ch'eet'igwiniindhan shi'įi, khit shaa gwiizųų daį' gaa nihk'it akhagoiinyaą kwaa datthak gaanandaii. ¹¹Zheegwaazhraįį nasharaąąhchįį ts'ą' gwint'oo khaiinjich'ashagahtat daį'. Antioch, Iconium ts'ą' Lystra kwaiik'it gwizhit gwinleįį shats'ą' deegiizhik gaanandaii! Gaa K'eegwaadhat geenjit datthak shits'iinya'. ¹²Juu Vit'eegwijyahchy'aa chan ts'ą' Christ Jesus gwandaii datthak k'eegoołthat niindhan nąjį datthak khaiinjich'igiheedhat t'igwinyaą. ¹³Izhit gwiizhit dinjii iizųų chan ts'ą' yeek'ii'an geech'ąąąhtan nąjį gwandaa giizųų giheelyaa, ąjį nąjį yeek'ii'an eegoohąąhchya' ts'ą' geedan chan jidii eech'agąąąhtan eenjit idik'iinjigiheeghit. ¹⁴Gaa nan ąjį ideenjit Łi'didlii gwik'iinjinghit geenaroahchya' akhagoiinya' shro', juu geenąąąhchya' nąjį haanandaii. ¹⁵ąjįts'ą' tr'iinin inlii daį' gwats'an Vit'eegwijyahchy'aa Viginjik Shroodiinyaą haanandaii ąjį ganandaii, ąjįt'ee ch'igwizhi' nint'eehee'aa ts'ą' neenahahshii ąjįt'ee Christ Jesus k'iighai' gwik'iinjigwiighit tr'ii'įi. ¹⁶Dęhtų'aa Choh kat deegwinyaą t'ee Vit'eegwijyahchy'aa vik'iighai' gwadanakhwat'oo ts'ą' hi'didlii eech'arohąąhchya' eenjit łyaa dinjii gwiizųų t'ii'in daį' jyaa dihee'yaa kwaa eenjit geegoorahahchya', ts'ą' dinjii gwiizųų vigwitr'it gwanlii daį' nats'ahts'ą' gwinzii t'igihee'yaa eenjit jyaa goorahaanjyaa,

Vit'eegwiyahchy'aa nats'aq̄ gwaroondaii diinoonyāq̄ eenjit chan geech'oaq̄htan. ¹⁷Jyahts'a' gwik'it juu Vit'eegwiyahchy'aa eenjit gwinzii gwitr'it t'agwah'in haa dinjii nāj̄j̄ ts'iginyāq̄ t'ee jidii tr'agwagwah'ya' eenjit t'eegahchy'aa datthak gihee'yaa.

4 ¹Vit'eegwiyahchy'aa ts'a' Christ Jesus haa goovandah jyaa danaihnyāq̄ t'ihnyāq̄. Āj̄j̄t'ee ye'eendaa Ch'arohkat Drin ji' jii nankat gwandaii akwat niindhat nāj̄j̄ giits'a' niheedaa ts'a' goohahkat. Nijin k'iidaq̄ neezh̄j̄j̄ daj̄j̄' K'eegwaadhat Veegwini'ee gwik'it gweheelyaa naihnyāq̄. ²Āj̄j̄ geh'an naagwik'it goo'aii kwaa ji' gaa, nihk'it khit ts'a' Viginjik eegwandak, dinjii gwiizqū t'ii'in daj̄j̄' jyaa dihee'yaa kwaa geenjit vats'a' ginkhii, ts'a' dinjii gwiizqū vigwitr'it gwanlii daj̄j̄' akq̄q̄ davaiinyāq̄ ts'a' Vit'eegwiyahchy'aa nats'ahts'a' gwagoondaii goovoonyāq̄ gwik'it khai'gwidlii geegoovaq̄htan. ³Izhit gwanaa ji' dinjii nāj̄j̄ Vit'eegwiyahchy'aa Viginjik hi'didlii goohaahky'aa kwaa gweheelyaa ts'a' oots'it haa geech'oaq̄htan lej̄j̄j̄ nāj̄j̄ tee giheedaa ts'a' jidii shoo haa gwarootth'ak giindhan gwizhr̄j̄h gwigweheetth'ak geenjit t'igii'in. ⁴Vit'eegwiyahchy'aa Viginjik hi'didlii āj̄j̄ gwarohk'i' giheenghyaa kwaa ts'a' zhyaa k'ii'an gwandak gahtsii hi'didlii nilii kwaa āj̄j̄ k'injigiheeghit. ⁵Gaa nan āj̄j̄ nihk'it gwinzii niyinji' k'aq̄htii ts'a' khaiinjich'anagahthat daj̄j̄' gaa zhyaa gwaq̄h'in, dinjii nāj̄j̄ Gwandak Nizij̄j̄ haa gwik'iinjyahjii ts'a' Vit'eegwiyahchy'aa deenoo'ya' noonyāq̄ datthak akhagoiinyā' shro'!

⁶Shij̄j̄ āj̄j̄ t'ee niighit kwaa Vit'eegwiyahchy'aa ant'eejarahahchyaa eenjit nigwiindhat, niighit kwaa shagahahkhwaa niizhii. ⁷Vit'eegwiyahchy'aa veenjit gwinzii gwint'aii tr'agwa'ya' ts'a' gehdaa tr'iijik ts'a' Gwandak Nizij̄j̄ eech'oaq̄htan akhagoihnyāq̄ kwaa. ⁸Juk it'ee Vit'eegwiyahchy'aa vaa gwinzii nihthat jidii gaayiidhahtsāj̄j̄ kwaii sheenjit zheekat dhidlii, ts'a' āj̄j̄t'ee Diik'eegwaadhat, hi'didlii nilii zhat Ch'arohkat Drin ji' shint'eeeyeheelyaa. Shij̄j̄ zhr̄j̄h nakwaa, gaa juu ch'et'igwiniindhan haa Jesus k'ineeheedik t̄yaa nool'ya' yuunyāq̄ nāj̄j̄ chan t'aihnyāq̄.

Paul Deeshi'yaa Nyaa

⁹Khan shats'a' hinkhaa gwik'eegwiindaii. ¹⁰Āj̄j̄ dinjii Demas jii nankat gwagwadal eenjit gwizhr̄j̄h ninjich'adhat ts'a' akhashoonyāq̄, Thessalonica kwaiik'it gwachoo gwats'a' haazhii.

Dinjii Crescens chan Galatia nahkat gwats'a' haazhii. Titus chan Dalmatia nahkat gwats'a' haazhii. ¹¹ Luke zhr̄h shaa dhidii. Mark oiinjii ts'a' shats'a' adahaa neehanchij̄, shigwitr̄'it shaa t'agwahah'yaa eenjit. ¹² Dinjii Tychicus chan Ephesus kwaiik'it gwachoo gwats'a' hooł'e'. ¹³ Oo'ee hinkhaii ji' Troas kwaiik'it gwachoo gwizhit, dinjii Carpus vaa shi'ik naałtsuu chy'aa oo'ee hałtsu. Shidehtly'aa kwaii chan oo'ee hinlii, ajīts'a' ch'adhah nakhwadq̄ kat ch'adanakhwat'oo kwaii łyaa anoondee shrq'!

¹⁴ Dinjii Alexander, ch'iitsii ałtsii nilii chy'aa łyaa shats'a' gwiizų tr'agwah'ya' t'inchy'aa. Deezhik geenjit K'eegwaadhat yineegooheekwat t'inchy'aa. ¹⁵ Alexander geech'arq̄ahtan datthak gwits'i' t'inchy'aa geh'an vits'i' adak'aq̄antii.

¹⁶ Tr'ookit Ch'aroahkat Zeh nihdeesharaq̄hchij̄ daj̄' ch'ihłak gaa shats'a'ij̄ nadhat kwaa ts'a' shits'iiny'a' kwaa. Datthak shits'i' t'oohłii neegahoojil. Jyaa digiizhik googaa datthak Vit'eegwijyahchy'aa gooveenjit oo'an gwahoolyaa nihthan. ¹⁷ Gaa K'eegwaadhat shaa nilii ts'a' t'aih shats'an iłtsa'ij̄, Israel gwich'in nilii kwaa naj̄i Vit'eegwijyahchy'aa Viginjik eegoovaagwaldak ts'a' juu naj̄i datthak gwik'injigeheeghit ji' eenjit. Ajīts'a' t'ee K'eegwaadhat sharahaahkhwa k'aa gwits'i' Lion yik gwats'an gideeshahchij̄ k'it t'oonchy'aa. ¹⁸ Shats'a' gwiizų tr'agwahaah'yaa gwits'i' shik'eehałtyaa ajī zheezhit gwizhit Veegwini'ee goo'aii nihdeeshahahchyaa. Vats'a' ch'eegwāhndit gooli', khit ts'a' khit geenjit! Amen!!

Jyaa Dagwahtsii Gwizhr̄h

¹⁹ Aquila ts'a' va'at Priscilla, chan ts'a' dinjii Onesiphorus vizheh k'aq̄ naj̄i gooniinjich'althat jyaa sheenjit goovaiinya. ²⁰ Dinjii Erastus ajī Corinth kwaiik'it gwachoo dhidii, ajīts'a' dinjii Trophimus chan iłts'ik, ts'a' Miletus kwaiik'it akhoihnya. ²¹ Khaii gwehkij̄ dzaq̄ k'eehindik gwik'eegwiindaii.

Dinjii naj̄i Eubulus, Pudens, Linus ts'a' tr'injaa Claudia chan ts'a' dzaa gwats'an gwik'injigiighit naj̄i haa datthak nidiveegoozų' nagahnya.

²² K'eegwaadhat naa ooli', ajīts'a' chan vich'eegoonzhrii naa ooli'!